





*ung medecin*

*1615*

*15*

L. A.

# PHRENESIE

DES REBELLES ET  
MAL-CONTENS.

*Desconuverte par ses symptosmes, & /  
guarie par bons remedes.*



*16*

*1615*

CASE

F

39

326

1615/12

THE NEWBERRY  
LIBRARY





## LA PHRENESIE DES

Rebelles & malcontens, descouuerte par  
ses symptomes, & guerie par bons  
remedes.



Et trois sortes de Phrenesie  
mentionnees par les plus  
sçauans Medecins, la plus  
aggreable & gratieuse,  
est celle, qui suruiuent d'une melchante  
humeur melancholique, causant par  
son accès, d'estranges souplesses au  
cerueau disloqué du malade, & vn  
plaisant entretien à ceux qui le practi-  
quent; persuadant aux Pygmées, qu'ils  
sont des Geants; aux pauvres, qu'ils  
sont riches; aux viuans, qu'ils sont morts,  
& leur faisant joüer le roollet d'une  
farce, conuenable à leur persuasion.  
Comme é ce gros richard (dit nostre

Celle) qui croit à la famine sur vne pile de bled; & à ce papure gueux, qui pensoit estre le plus riche marchant de l'Orient, au rapport de Theophraste, n'ayant autre maison que le marché, ny autre reuenu, que le fol entretien de ses relueries.

Les Rebelles de cet Estat sont par mal-heur tombez en ce chaud mal, qui leur faiët faire, penser, & dire force extrauagances, selon la passion qui les maistrise: de façon que la France, frappée de quelque constellation pestilèté, semble aujourd huy le territoire des Abderites au temps d'Hippocrates: La Phrenesie s'en va degenerant en Epidimie, ou maladie populaire, en quelques Prouinces: & j'ay peur que les remedes ne ferôt qu'estaroucher le mal, au lieu del'amollir. Or pour ne rien auancer gratis, & sans bonne preuue; ces Messieurs aurôt la patience, que ie leur montre par les reigles de nostre art.

qu'ils sont formellement atteints de ceste  
 este espece de Phrenesie, que les Grecs  
 appellent Corybantisme, les Latins  
*Imagines*, ou *Sonores*, c'est à dire, tin-  
 toüin & bourdonnement: & nous en  
 bon vieux Gaulois la nommôs Refue-  
 rie. Je le feray doucement, par vn sim-  
 ple parangon, & parallele des sympto-  
 mes, & accidents des phrenetiques aux  
 leurs, avec vn *re-ipe*, & quelque petit  
 regime pour l'aduenir, sans pretension  
 de m'enrichir à ceste cure: car ils sçauët  
 que le Balieut des ordures du monde,  
 à chassé de la Cour, il y a trois ou quatre  
 ans,

*Les Medécins qui sont trop riches,*

*Les Apothicaires trop chichs,*

*Et les Chirurgiens trop piteux,*

*Auec les Pages trop honteux.*

Nos anciens Maistres, Hippocrate,  
 Aërius, Aegineta, & Aben-Rois, nous  
 ont laissé des signes infaillibles, pour  
 cognoistre la Phrenesie, qui conuien-



nent merueilleusemēt bien aux actiōs  
& deportemens des mescontens.

Le premier est, l'extrauagance du  
discours: ce que nous appellons en nos  
ordonnances, *Desipere, & loqui aliena.*  
Tous ces petits liurets de mesconten-  
ment de manifestes clandestins, de se-  
dition, de rage & d'émotion, monstrent  
assez l'intemperie de ce mal qui a faisy  
la ceruelle, & la plume de ces esprits  
phrenetiques.

Le second est, les ombrages, appre-  
hensions, & terreurs paniques du ma-  
lade, ce que nous appellons, *Accipere  
imagines*, ou bien, *imaginibus addici:*  
Et à vostre aduis, les imaginations,  
phantosmes, & tarreurs de ces gens al-  
terez, tesmoignent elles pas assez l'estat  
de leur esprit malade, lors que sans sub-  
iect ils se sont fantasié des craintes &  
apprehensions en l'accomplissemēt de  
cette Alliance, où les autres trouuent  
leur repos? qui est vn meschant signe



pour eux. Car nous tenõs parmy nous  
cet aphorisme pour infaillible, que

*Qui est au lict, Et il ne dort,*

*Qui a bon pain, Et il n'y mord,*

*Et qui de son corps n'a support,*

*Ce sont grands signes de la mort.*

Le troisieme est quand le malade se  
leue, & inquiete sans cesse. Et ces leuees  
de gés d'armes, de troppes, d'escadrõs,  
d'enfans perdus sans autorité de Roy,  
que monstrent elles autre chose, que  
l'inquietude & phrenesie de leur ame?  
Nous prenons vn mauuais augure de  
la santé du malade, lors qu'il ne peut  
estre retenu dans le lict, & auons re-  
cours aux plus fortes medecines, chaif-  
nes, & liens, pour dompter la furie du  
mal. Ie ne sçay si dans le sçauant Ori-  
basius il y auroit assez de compresses,  
bandages, & ligaments, pour retenir &  
arrester la violence de ce mal, & leurs  
volontez disloquees.

Le quatrieme passe plus auant, quãd

le malade va, vient, tracasse, frappe, & fait de l'enragé sur ces propres amis. Ils entendent assez que leurs allees & venuës, leur tracas, & demangeaison de leurs armes, est vn signe euident de phrenesie. Mais qu'ils se souuiennēt de nostre reigle de medecine traduicte en vieux patois,

*Tant vole mouche qu'elle est prise,*

*Tant va le pot à l'eau, qu'il brise,*

*Tant gratte l'on, qu'on se redend,*

*Tant se prend l'arron, qu'on le pend.*

Le cinquiesme est vne hypocrisie malicieuse du malade, pour se ruer sur le Medecin, & sur ceux qui l'assistent, ce qui nous est expliqué par nostre Celse, disant, *Alij artes adhibent, summamque speciem sanitatis in captandis maiorum operum occasionibus præbēt, sed exitu deprehenduntur,* que le malade fait du matois, & prend la mire sous le voile de feintise, pour faire son coup à temps; Mais il est descouuert par l'ysue de ses

mentees: vraye & parfaicte image de  
l'ambition de nos rebelles. Car il n'y a  
rien de plus clair que leurs dissimula-  
tions, traits de main, finesse, & feintises  
coufues de gros fil d'estoupe de leur re-  
formation pretendue. Leurs synodes, con-  
ciliabules, ne sont point si obscurs & cachez, qu'on n'y ait  
voye le iour au trauers, plus facilement  
que par vn crible.

Le sixiesme est, les plaintes, querimons,  
nies, parolles de compassion, & feintes  
larmes du malade. *Prudenter interdum, &  
& miserabiliter loquitur, sed is dolus insa-*  
*nientis est*, dit l'aphorisme. Et quoy n'a-  
uons nous pas les oreilles rompuës des  
plainctes, crieries, gemissemens de ces  
reformateurs? mais ce sont des gémisse-  
mens de la Hyene, & des larmes de  
Crocodile *is dolus insanientis est*.

Le septiesme est le plus dangereux de  
tous, lors que le malade sortant de la por-  
taison par surprise brulant & eschauffe



fé se iette au trauers des riuieres, se met  
à la nage, saute des ponts, & faict de  
l'enragé. Et qui ne sçait que ces Mes-  
sieurs les malcontens, eschaufés en ce-  
ste canicule, cuidans arrester le Roy, se  
sont saisis des riuieres de Guyenne, &  
des pôts sur Dordoigne: il ne leur estoit  
rien plus que sauter dedans. Et ie ne  
sçay si on eust couru apres avec autre  
branle, que celuy du Menestrier de Sa-  
uoye, lequel voyant la femme en deses-  
poir, se ietter en la riuiere, s'en alla sur le  
pont luy sonner ceste aubade: *Un peu  
plus auant m'amie un peu plus auant de-  
dans.*

Or les Antidotes de ce mal, sont bien  
souuent aussi violents & fascheux que  
l'accés. Ie leur donneray les plus doux  
& anodins qu'il me sera possible, suiuant  
la leçon de nos Docteurs, qui tiennent  
que ceste maladie, plus que toute autre,  
requier la discretion & patiëce du Me-  
decin, car l'Aphorisme dit: *Aduersus*



*omnium sic insaniensium animos gerere se  
pro cuiusque natura necessarium est.*

Le premier est de nostre maistre Tral-  
lianus, qui tient que le plus souuerain  
remede à ce mal est le soulagement des  
tenebres, & liens: car la liberté, dit-il, &  
la lumiere esfarouche leur esprit passio-  
né. Je me doubte que les tenebres d'v-  
ne prison, si elle estoit aussi capable, que  
celles de la Chine, pourroient seruir à  
ramener vne partie de tant de mal cō-  
tens.

Le second est ordinaire, & souuente-  
fois necessaire de rondre le malade fort  
bas, ce que nous disons en nos ordon-  
nances, *caput ad cutem radere*, & ie m'as-  
seure que qui coupperait le poil à ces  
esprits mal contens, ou leur hausseroit  
le ratelier d'vn demy pied, peut-estre  
que bien tost on verroit de l'amende-  
ment. Gar quand les moyens, qui sont  
le nerf de la guerre, sont retranchés, ou  
diuertis, le canon ne va pas loing.

Le troisieme est bleuer les ombrages, & oster les vaines imaginations du malade par artifice & prudence, comme lors que Cardan guerit celuy qui pensoit estre mort, en le faisant conduire au cœmetiere, & chanter sur sa tombe l'office des trespassez. Je trouue que ce remede seroit le plus expedient pour nos reuoltez, s'ils estoient capables de conceuoir que ceste Alliance estouffera tous les germes de la guerre, & ramenera la paix.

Le quatrieme, plaisant & facile, est de resiouyr les sens assoupis du malade par violons, fleutes & haubois: *Ad symphoniam, & cimbala, strepitusque proficiunt*, dit nostre Aphorisme. & en effet on est apres pour les resiouyr de chœts, musiques, triumphes, tournois, & resiouissance publique au iour de ce mariage tant desiré, s'ils en ont la patience.

Le cinquieme est de donner l'espouuante au malade par queque soudain

bruit & surprise inespérée. *Subitò enim  
terreri Et expuescere in hoc morbo pro-*  
dest, dit l'Aphorisme: Mais puis que la  
France n'est point l'vne cheneuiere, &  
eux ne s'estiment point estre corneilles,  
le souuerain remede est celuy de la sei-  
gnée: quoy que Asclepiades la deffen-  
dist tres-expressement: & en effect il ne  
s'en faut seruir qu'en toute extremité,  
comme les bons Medecins d'estat ont  
fait iusques à present. Car voyant que le  
mal gaignoit sans autre remede, M<sup>r</sup> le  
Mareschal d'Ancre s'en est seruy bien à  
propos, comme il se voit par la desfaite  
du regiment de Fermanbrun, & des-  
puis le sieu du Fossé, Lieutenant de la  
compagnie de la Royne, comme il se  
verra par la teneur de la lettre de M<sup>r</sup> de  
Liancourt Secretaire des commande-  
ments: qui est telle,

*Monsieur, ce gentil-homme s'en va trouuer sa Maieité de  
la part de monsieur le Mareschal de Bois-Dauphin, qui vous  
dira toutes nouvelles. Je vous escriuis hier sur la desfaicte du  
regiment du ieune la Souffaye, que monsieur du Fossé Lieu-*



renant de la compagnie de la Roïne, à desfaict pres Montre-  
teon: il n'y a rien de plus vray, qu'il en est demeuré pour le  
moins deux cens sur la place, & six vingts prisonniers, sans  
ceux qui se sont sauuez dans les bois tous blessés & encore  
trente ou quarante de morts, qu'on à trouué à vne lieue de là.  
Ledit sieur du Fossé a rendu là vn bon seruice à sa maiesté  
Voilà tantes les nouuelles que ie vous puis mander. Vostre  
seruiteur tres-humble

DV PLESSEYS. ce 8. Octobre.

Et fraischemēt les Religieux de l'Ab-  
baye de S. Ferme, ont tenu bon & fer-  
me contre les pilleries de certains cou-  
reurs de la Religion prétenduë, lesquels  
par charité reformée, cuidans auoir v-  
ne meilleure cure en ce cloistre, que  
leurs ancestres n'eurent à la Chaife-Dieu-  
se trouuerent bien loin de leur conte,  
auec leur piece de campagne: car ceux  
là ne firent ny bien ny mal, salués par l'i-  
mage d'un saint deualisé, qui leur di-  
soit en somme.

Bonnes gens, qui par cy passés,  
Et de piller ne vous lassés,  
Ce petit saint vous fait la nique.  
Il n'a ny chasse ny relique:



*Il les à en, vous les aués.  
Priez Dieu pour les trespasés.*

Mais ceux cy trouuerent à qui parler: car les Moines, à force de prieres ou autrement les chargerent si bien qu'il en demeura quarante sur la place. Le me doubte qu'ils se seruirent de la recepte de ce bon villageois, qui chassoit les chiens avec vn veset du Magnificat, en y messât quelques cailloux. Le sieur de la Nau en portera les marques tout le temps de sa vie. Et comme ce vieux capitaine, boiteux, d'une playe, qu'il auoit receuë à vn rencontre des ennemis, se consoloit par ceste consideratiõ, qu'il ne feroit iamais vn pas sans se souuenir de son courage: ainsi le capitaine la Nau, clochant deormais se souuendra qu'il ne faut prédre les clochers par escalade ny les Moines par assaut.

Or pour le mauuais regime de vie, qu'ils ont tenu iusques à maintenant, s'entretenans de la fumee d'une ambi-

tion volage, de l'esperance trompeuse  
de paruenir, du songe chimerique des  
pretentions impossibles, le tout recuit  
dans l'alambic de leur propre suffisance  
ce, & broyé par le pilon de mille cha-  
grins, ie desire qu'ils suivent deormais  
vne meilleure ordonnance, qui ne sera  
pas comme le *Recipe* du temps passé.

*D'un panier tout plein de vents,  
De l'eau d'un moulin à vents,  
Du cerueau d'une coignée,  
Du ius d'une cremilliere,  
Des os d'un fromage mol,  
Et des fers d'un rossignol,  
Broyé dans montier d'estoupe,  
Et puis pris avec soupe.*

Mais sans feintise & raillerie, d'une  
drachme de fidelité Françoise, d'un  
scrupule de Religion, de quatre grains  
d'obeissance, d'une once d'allegresse,  
& reiouissance, s'ils n'ayment mieux  
ressentir l'amertume, & les effects de la  
Rhubarbe.

V A L E.



